

Dok mnogi pokušavaju Tuzlu odbraniti od svega i ničega, nekih drugih a možda i samih sebe, mi Tuzlu ne branimo jer Tuzla je bila oduvijek i biće zauvijek, mi Tuzlu samo nastojimo učiniti ugodnijim mjestom za život svih njenih građana.

Kandidati Nezavisne bosanskohercegovačke liste za Gradsko vijeće Grada Tuzla će se u svom budućem radu u Gradskom vijeću Grada Tuzla zalagati za:

✓ **RJEŠAVANJE PROBLEMA KOMUNALNE INFRASTRUKTURE NA PODRUČJU GRADA TUZLA**

- Rješavanje problema vodosnabdijevanja građana Tuzle pitkom vodom i priključenje svih naselja u gradu Tuzla na vodovodnu mrežu.
- Rješavanje problema odvođenja otpadnih i oborinskih voda u svim mjesnim zajednicama Grada Tuzla kojim bi se spriječile sve učestalije poplave i štete na privatnoj imovini građana Tuzle.
- Sanaciju i asfaltiranje lokalnih puteva u svim mjesnim zajednicama Grada Tuzle.
- Izgradnju i uređenje trotoara, pješačkih staza, pješačkih prelaza i svjetlosne signalizacije u cilju sigurnog i bezbijeđenog kretanja pješaka s posebnim aspektom na bezbijeđenost kretanja djece do škole, sportskih terena i parkova u svim mjesnim zajednicama Grada Tuzle.
- Postavljanje nove i zamjenu dotrajale energetske neefikasne ulične rasvjete na području svim mjesnim zajednicama Grada Tuzle.
- Transparentniji i bolji rad svih komunalnih preduzeća u gradu Tuzla, čija usluga mora biti isključivo bazirana na zadovoljstvu građana.
- Rješavanje problema nedostatka parking mjesta s posebnim aspektom na područja oko zdravstvenih ustanova i javnih institucija u gradu izgradnjom podzemnih garaža sa višenamjenskim nadzemnim cjelinama.
- Rješavanje problema parking mjesta za stanare zgrada u svim gradskim naseljima i uvođenje dnevne, mjesečne i godišnje parking karte koja važi na svim parkinzima na području grada.

✓ **SMANJENJE AEROZAGAĐENJA NA PODRUČJU GRADA TUZLA**

- Cjelokupan godišnji iznos novca od TE Tuzla na ime odštete od aerozagađenja Grada Tuzla uložiti u mjere koje će dovesti do smanjenja aerozagađenja na području cijelog grada.
- Proširenje mreže daljinskog centralnog grijanja i toplifikacija svih mjesnih zajednica Grada Tuzle.
- Besplatan priključak svih stambenih objekata na sistem daljinskog centralnog grijanja gdje tehnički uslovi to dopuštaju.
- Subvencioniranje nabavke ekološki prihvatljivih kotlova grijanja (toplotne pumpe, pelet, solarni kolektori) za sve stambene objekte u gradu Tuzla koje nije moguće priključiti na sistem daljinskog centralnog grijanja.
- Subvencioniranje mjera energetske efikasnosti i zamjene dotrajalih fasada novim energetski efikasnim fasadama.
- Izgradnja savremeno sportsko-rekreativnog kompleksa na izletištu Ilinčica.
- Sve predložene mjere smanjenja aerozagađenja grada provesti u roku od maksimalno četiri godine i ne dozvoliti da problem aerozagađenja Tuzle ostane neriješen više decenija.

✓ **RJEŠAVANJE PROBLEMA NEDOVOLJNOG PRIVREDNOG RAZVOJA GRADA TUZLE I ZAPOŠLJAVANJA GRAĐANA**

- Pronalaženje mehanizma za efikasniju i bržu izgradnju poslovnih zona na području grada Tuzla.
- Dodjela zemljišta po povoljnim uslovima za sve buduće investitore u gradu Tuzla uz besplatan priključak na komunalnu infrastrukturu.
- Pojednostavljenje procedura za registraciju novih firmi na području grada Tuzla i formiranje stručno osposobljenog tima koji će u svakom trenutku biti dostupan potencijalnim investitorima za sva tekuća pitanja i rješavanje administrativnih problema.
- Startup projekti i kreditiranje sa grejs periodom za otvaranje malih biznisa s ciljem buđenja poduzetničkog duha i animiranja mladih da se odluče za otvaranje privatnog biznisa.
- Obavezna saradnja sa srednjim školama i fakultetima u pronalasku rješavanja svih aktuelnih problema u gradu, čime bi učenici i studenti stekli dodatna praktična iskustva a grad dobio inovativna i svjetski aktuelna rješenja.

- Poticanje socijalne odgovornosti privatnih kompanija prema lokalnoj zajednici kroz organizaciju donatorskih večeri i sličnih sadržaja s ciljem da se na transparentan način kroz saradnju grada i privatnog sektora stvore i omoguće bolji uslovi života građana u različitim sferama života.

- ✓ **BRIGA ZA UČENIKE, STUDENTE I MLADE**
 - Besplatan školski pribor za sve učenike i studente sa područja grada Tuzla čiji roditelji su nezaposleni ili socijalno ugroženi.
 - Besplatan prevoz do škole učenicima i studentima sa područja grada Tuzla čiji roditelji su nezaposleni ili socijalno ugroženi.
 - Stipendije za učenike i studente sa područja grada Tuzla koji su u toku školovanja postigli zapažene rezultate.
 - Obavezna mogućnost odrađivanja pripravničkog staža i sticanja prvog radnog iskustva svim studentima sa područja Tuzle koji su postigli zapažene rezultate u toku studiranja.
 - Sufinansiranje kupovine prve nekretnine za mlade bračne parove s ciljem poticanja mladih da ostanu u našem gradu.
 - Novčana pomoći za mlade bračne parove pri rođenju djeteta.

- ✓ **UNAPRIJEĐENJE SISTEMA ZDRAVSTVENE ZAŠTITE GRAĐANA NA PODRUČJU GRADA TUZLA**
 - Otvaranje Opšte bolnice i Urgentnog centra čime bi se ostvarila efikasnija i brža detekcija problema i smanjile liste čekanja pacijenata.
 - Otvaranje punkta Službe hitne medicinske pomoći u istočnom dijelu grada čime bi se postigla brža reakcija kod urgentnih stanja pacijenata.
 - Otvaranje ambulante porodične medicine u naselju Miladije, gdje gravitira pet-šest hiljada građana a najbliža zdravstvena ustanova im je Dom zdravlja Tuzla.
 - Potpuna reorganizacija i osavremenjavanje (digitalizacija) Službe radiologije Doma zdravlja Tuzla.
 - Nabavka više mamograf aparata u funkciji preventivnog i ranog otkrivanja karcinoma.
 - Reorganizacija Službe njege u kući koja egzistira u okviru Službe porodične medicine, zapošljavanje novog ili preraspodjela zaposlenog osoblja zbog potrebe za povećanjem broja kućnih posjeta licima treće životne dobi.

- Izgradnja rampe na stepeništu glavnog ulaza u Dom zdravlja Tuzla kako bi se olakšao i prilagodio pristup za starije osobe i osobe sa invaliditetom.

✓ **SOCIJALNA ZAŠTITA I BRIGA ZA GRAĐANE TREĆE ŽIVOTNE DOBI**

- U saradnji sa JZNU Dom zdravlja "dr. Mustafa Šehović" Tuzla i ambulantom porodične medicine osigurati mobilne timove koji će obilaziti i osigurati potrebnu zdravstvenu i socijalnu zaštitu za bolesne, nepokretne i iznemogle sugrađane našeg grada.
- Sufinansiranje troškova javnog prevoza sa sve ugrožene kategorije društva bez mjesečnih ili sa minimalnim mjesečnim primanjima.
- Osigurati potpunu socijalnu i zdravstvenu zaštitu djece i socijalno najugroženijih kategorija društva u našem gradu.
- Osigurati dva topla obroka dnevno za sve građane u stanju socijalne potrebe u našem gradu kroz rad narodne kuhinje i dostavu istih za sve bolesne i iznemogle sugrađane kroz rad mobilnih timova.

✓ **RAZVOJ KULTURE I SPORTA NA PODRUČJU GRADA TUZLA**

- Izgradnja stadiona «Tušanj» iz budžetskih sredstava Grada Tuzla ili putem javno-privatnog partnerstva.
- Organizovanje besplatnih škola sporta za djecu predškolskog i školskog uzrasta.
- Izgradnja i uređenje dječijih igrališta i sportskih terena na području svih mjesnih zajednica u gradu Tuzla.
- Organizacija rekreativnih i sportskih takmičenja kako bi se promovisao značaj rekreativnog i aktivnog bavljenja sportom.
- Ravnomjerna raspodjela novca iz budžeta za sve sportske klubove u gradu Tuzla.
- Veća podrška invalidskom sportu i invalidskim sportskim klubovima.

Naša obaveza je da gradimo Tuzlu i učinimo je mjestom u kojem se ugodno živi, mjestom čestitih, sretnih i ponosnih ljudi i konačno, mjestom u kojem će naša djeca imati sigurnu budućnost.